



COMUNE DI NUXIS

Provìntzia de su Sud Sardigna
Via Cagliari 67 – 09010 NUXIS (SU)
Tel 0781 9579201

BANDU PO S'ASSEGNAZIONI DE CONTRIBUTUS ORDINÀRIUS A IS SOTZIEDADIS E ASSÒTZIUS SPORTIVUS CHI TENINT SEA IN SU TERRITÒRIU COMUNALI

Su Responsàbili de s'Àrea Amministrativa, Finanziària e de is Servìtzus Socialis in esecuzioni de sa determinazioni de sa Giunta Comunali n. 36 de su 18/05/2022;

FAIT SCIRI

Ca funt abertus is tèrminis po sa presentazioni de is dimandas de contribuutu ordinàriu po s'incentivazioni de sa pràtica sportiva sigundu su regulamentu comunali in vigèntzia.

SUGETUS AMMÌTIUS A SU BENEFÌTZIU

Podint presentai dimanda po oteni su benefìtziu is Sotziadidis Sportivas o Assòtzius Sportivus chi tengant is recuisius afatantis:

1. constituias a manera legali e afiliadas a is Federazioni sportivas e/o a is entis de promotzioni sportiva reconnotus de su Coni.;
2. iscritas a s'Albu regionali de is Sotziedadis Sportivas (istiuidu anche sa Regioni Sardigna);
3. iscritas a s'Albu comunali de is Sotziedadis Sportivas (sa presentazioni de s'istàntzia at a balli che iscrizioni);
4. cun sea lagali in su territòriu comunali e chi faint atividadi de assumancus duus annus a sa data de emanazioni de su bandu;
5. chi fatzant atividadi sportiva a livellu diletanti;
6. chi praticint atividadi sportiva regulari in s'annu pro mèdiu de sa partecipazioni a campionaus o a manifestazioni ufiziali organizzaus de federazioni e/o entis de promotzioni sportivas.

SUGETUS ESCLÙDIUS

Non funt ammitius a is benefìtzius is Sotziedadis Sportivas, Assòtzius o Entis chi, sigundu is scopus statutàrius, persigant su scopu de su lucru.

CRITÈRIUS PO SA PARTIZIONI DE IS CONTRIBUTUS ORDINÀRIUS

In otemperàntzia a cantu disponit s'art. 6 de su regulamentu comunali, su fundu chi est destinau de annu in annu, at a essi partziu sigundu is critèrius afatantis:

- una cuota uguali a su 40% de sa summa cumplessiva est partzia in partis ugualis intr'e totus is Assòtzius richeridoras e in possessu de is recuisius;
- una cuota ugali a su 40% de sa summa cumplessiva est partzia in basi a su nùmeru de is tesseraus;
- sa cuota chi abarrat, uguali a su 20% de sa summa cumplessiva, est destinada a s'incentivazioni de sa pràtica sportiva de is giòvanus e est partzia in basi a su nùmeru de is atletas minorennis, tesseraus a finis agonisticus de dònna Sotziedadi.

MODALIDADI DE PRESENTAZIONI DE IS DIMANDAS

Is dimandas po s'ammissioni a is benefitzius in ogetu depint arribai a s'Ufitziu Protocolu de su Comunu de Nuxis **non prus a trigadiu de su 7 de mesi argiolas 2022** oberendi sceti su modellu alliongiu a custu bandu.

Impari a sa dimanda si depit presentai sa documentatzioni afatanti:

- còpia de su statudu o autu costitutivu de sa Sotziedadi/Assòtziu (si no est giai in possessu de s'Enti);
- sa relatzioni aundi ddoi est spricau sa descritzioni de s'atividadi fata in sa stasoni agonistica po sa cali si rechedit su contributu, massimamenti sa didàtica e giovanili, cumpleta de totu sa documentatzioni possibili, finalizada a spiegai in manera obbjetiva s'atividadi etotu fintzas cun riferimentu a s'annu pretzedenti;
- su bilànciu consuntivo, riferiu a s'annu pretzedenti, aundi sunt inditadas totus is intradas e is spesas aprovadas a norma de Statudu;
- su bilànciu de previsionis sutascritu de is òrganus cumpetentis;
- sa certificatzioni donada de sa federatzioni a sa cali sa Sotziedadi resurtat afiliada, chi inditat su nùmeru de atletas tesseraus partziu po edadi/categoria;
- documentatzioni idònea chi atestat s'iscritzioni a s'Albu Regionali de is Sotziedadis Sportivas.

PROTZEDURAS DE VALUTAZIONI E CUNTZESSIONI DE IS CONTRIBUTUS

S'Ufitziu servìtzius sòtziu – culturalis at a provedi a incarrerai s'istrutòria de is dimandas arribadas e a sutaponi sa documentatzioni a s'esàmini de sa Cummissioni Comunali a su sport, cunvocada apostadamenti.

Sa Giunta Munitzipali, in sa basi de is risurtaus de s'istrutòria e de is atus de sa cummissioni comunali arremonada in antis, at a deliberai sa partzidura de is contributus.

Su Responsàbili de s'Àrea Amministrativa, Finanziària e de is Servìtzius Socialis, a s'acabu de s'iter ispiegadu in antis, at a provedi, cun atu suu, a s'assegnatzione de is contributus a is sugetus benefitziàrius.

CUMPENSATZIONI DE IS CONTRIBUTUS IN PRESENTZIA DE MOROSIDADI PO S'IMPREU DE IS IMPIANTUS SPORTIVUS

Si in casu si assegnessint contributus a sugetus chi asserint debidoris in is cunfrontus de su Comunu po is importus relativus a is tarifas stabillas dònna annu po s'impreu de is impiantus psortivus de proprietari comunali, s'at a provedi a cumpensai su contributu erogau po una summa uguale a cantu est dèpiu fintza a su 31.12 de s'annu pretzedenti a su chi si riferit su bandu, introitendi in manera dereta.

DECADÈNTZIA E RÈVOCA DEL BENEFÌTZIU

Non s'ant a ammiti is dimandas de contributu o àteru benefitziu presentadas a pustis de s'iscadèntzia de custu bandu, o presentadas cun modalidadis o modulistica diferentis de is chi funt stètia descritas in antis o non cumpletas.

A is Assòtzius e Sotziedadi chi, a segus de controllus e verificas amministrativas, asserant a essi donau decraratzionis falsa, salvas is àteras santzionis prevèdias de sa lei, at a essi revocau su benefitziu cuntzèdiu, cun siòbbligu cunsighenti de torrai cantu arriciu in manera non dèpida.

Is Sotziedadis e is Assòtziu chi, po causas subravènnias, perdant is recuisius prevèdius de su bandu e de su Regulamentu comunali o chi, in èsitu a controllus e verifegas amministrativas, non potzant ammostrai s'entidadi de is spesas suntènnias in manera efetiva, decadint de su benefitziu cuntzèdiu.

Contras is provedimentu chi decrarant s'inamissibilitadi de sa dimanda, sa decadèntzia o sa rèveoca de su benefitziu cuntzèdiu est ammittiu su ricursu in is formas prevèdias de su DPR 24 de donniasantu 1971 n.1199.

Custu Bandu at a essi publicai in su situ ufitziali de su Comunu de Nuxis, in sa setzioni "Albu Pretòriu" po cuindixi diis de sighiu e in sa setzioni "Novas" finas a s'iscadèntzia de is tèrnis po sa presentatzioni de is istàntzias.

Su Responsàbili de su Protzedimentu
f.au dot.a M. P. Loddo

Tradùsiu in sardu a in curu de su servìtziu de Sportellu Lingua Sarda – Progetu "Atòbius e Fueddus" Comunu de Arresi (cabutruma), Teulada, Masainas, Sa Baronia-Villaperùciu e Nuxis. Finantziau cunformas a sa lei 482/99 – annualidadi 2021.